

۱۷ شعبان ۱۳۳۱

بازار ایرتسی

۸ تموز ۱۳۲۹

عدد — ۵۴

امور اداره و تحریریه و اعلانات و سائر
ایچون مدیر مسئوله مراحمت ابدالمیدر.

عرفای امتك مقالات متصوفانه لرینه
جریده صوفیه تك صحیفه لری
آجیقدر .

جریله صوفیه

شیمدیلك هفته ده بر نشر اولئور .

نسخه سی ۴۰ پاره در

ابونه سی : بر سنه لك اعتباریله ممالك
عثمانیه ایچون ۴۰ آلتی آیلغی ۲۵ فروش
وممالك اجنبیه ایچون اون ایکی فرانقدر

محل اداره باب عالی جوارنده ابوالسمود
جاده سنده نجم استقبال مطبعه سی

تصوفی ، دینی ، اخلاقی ، سیاسی جریده اسلامیه در

و تسویه امور ایدیلیرسه اوده بشقه بر عبادت آروجه ترقی در . و زده بونی بویه جه قبول وادعا ایدیلیرز .

تمام بر عا که نتیجه سنده شو انتظام عالم بر نظر حقیقتله باقیلیرسه در حال (ان فی خالق السموات والارض واختلاف الیل والنهار . . . الخ) آیت جلیله سنی تمظیم و توقیر ایلله تصدیق ایدوب سجده شکرانه قایلیرز حالوکه بو وادیدن اوزاق یاشامق ایسته یلر دین و عبادت مانع ترقی و تکاملدر ، دیمکدن آرییق ایسته یلر .

ایسته یلر قدر صحت و عافیتله ، ذوق و سعادتله الک فرح افزا کاشانه لرده . دهانه لرده نه لرده یاشایلم ، هر شی بزه منقاد ، هر آرزوم بزه تابع اولسون ، فقط وقتا که پنجه اجل توکمه زه صابلا نوبده او موقع هولناکه دوشرسه ک اوزمان دنیانک ، باطل اعتقادلرک بزی نه قدر آلدایدینی ، نه چورایلر اوردیکنی اکلارز .

دیندن معرا اولانلر تام معنایله شاشقین و قوری هیکل اولمقله شخصی عمومی ، مدنی ، خطوطلر آتمقده تردد ایدرلر . حالوایسه دیانتله عبادت موجب سلامت ، عکسده منبج سفات و ندامتدر .

منتسبین علمیه دن نعمان زاده

م . ب

تصحیح — بکن الی اوج نومرولی نسخهنک الی بشنبی صحیفه سنده کی حیا مقاله سنک ایکنی سنونک دردنجی — طرنده فیض معنویه دن یازیله یق ایکن سهرآ یا ککش دیزلکله تصحیح اولنور .

مناقب اولیا

دن

سد شاخ نقبیه

[ابعده]

خواجه محمد عارف ربوگری قدس سره العالی

مشارایه حضرتلری تورک مشایخنک اقتباسدن و اولیای خدانک عظماسنددر .

بخارایه الی وغجدوانه برفرسخ مسافده کائن ربوگر قریه سنده قدمهاده عالم شهود اولمشلردر . ذات سوده سماتلری علم ، حلم ، زهد ، تقوی ، ریاضت ، عبادت ، متابعت ، سنت بابلرنده سائز ربیه علیادر .

خواجه جهان خواجه عبدالحق غجدوانی حضرتلرینک مدت حیاتلرنده خدمت علیه ربیه دوام ایلله ثابت قدم اولوب اکتساب فیوضات ایشلردر .

پیرروشن ضمیرلرینک ارتحالندن مکره برلربنه سجاده نشین ارشاد اوله رق همت و عنایتلری ، طالبان حق هدایت مصروف اولوب ظاهری و باطنلری معبور پک چوق عرفایتلریشلردر .

هجرت جلیله نبویه علیه اکل التجهنک (۶۴۹) سنه سنده (۱۴۰) یاشنی متجاوز اولدقنری حالده عندلیب روحی حدیقه چنانده آشیان ساز اوله رق قریه مذکورده الیوم زیارتگاه اولان تره شریفه لرنده دفین خاک عطرناک ایدلشلردر .

ذات خچسته صفاتلری بیاض قرمز یلغنه قاریشمش چپچک رنگلی و کوزلری بیوک قاشاری ایچیه اورطه بویل بدر کی مدور و منور بوزلی و خوش قوقولی بوجود نازنین ایمش قدس الله سره و نفعا بیرکانه و فیوضانه امین .

خواجه محمود انجیر فغنوی قدس سره العالی

مشارایه حضرتلری تورک مشایخنک اکابرندن اولوب سلسله سادات نقشبندیه ک اعظمندن و خواجه محمد عارف ربوگری حضرت تدرینک عمده اصحاب و افضل خلفاسندن جمله مریدانک یمنازی و خلوت و جلونده همراهی ایدی .

بخارایه اوج فرسخ مسافده کائن (انجیر فغه) قریه سنده مهادرای عالم شهود اولمشلرو (امکنی) نام قریه ده توطان ایشلردر .

شیخ روشن ضمیر حضرتلری جلالت قدری ایلله برابر (دولکر) لک ایلله اشتغال و اینیه و مساجد بناسیله نفسی اشغال ایدردی .

استاذی و شیخی محمد عارف ربوگری حضرتلرینک مقامته قائم اولدقده ترک صنعت ایدرک خاتی طریق هدایت و طالبانی ارشاده همت ایشلردر . و پک چوق ذوات ذات عالیقدرلرندن اقتباس انوار فیوضات ایشلردر . ذات عالیقدرلرینه کانهجه قدر رجال طریقت ذکر خنی به اشتغال ایشکاری حالده مرشد محترملری خسته اولوب وکیل مقامی اولدقده مقتضای وقته تطبیق حال ایدرک ذکر جهری بی اختیار و مرشد عالیشانک ارتحالنده ذکر جهری به دوام ایشلردر .

وامکنی ده مجلس سعادت ایدلرلرنده ذکر جهری ایلله مشغول اولدقنری ائشاده اول مجلس عالیده حاضر بولنان شمس الانه حلوانی و ذکر جهری به فصل نیت ایلدیکنی ، کبار علمادان حافظ الدین جناب ایلله شیخ حضرتلرندن سوال ایتمی اوزربنه جناب خواجه جواباً و ذکر جهری به شروع ایدرکن جناب حقه توجه و مفتاح خیر و سعادت اولان توبه به تخمس ایتمک اوزره غافل قنیه ، تانمی ایفاظه نیت ایدرم ، دیو بیورمش و شمس الانه حلوانی حضرتلری ده (نینک) صبیحدر سکا ذکر جهری شرعاً جائزدر ، دیمشدر .

شیخ حافظ الدین بخاری حضرتلری برکون انشای صبیحه خواجه حضرتلرندن (ذکر جهری) کیملر ایچون جائز اولایلیر) دیه استفسار ایلدکده جواباً و لسانی کذب و غیبتدن مطهر و بطنی حرام و شهیددن منز و قلبی ریا و سمعه من مزیکی و سیرینی اغیاره توجهدن مبرا بولدنکز کیسه لر ایچون جائزدر (بیورمشدر .

صاحب رشحات بیورورکه :

عزیزان علی الرامیتی قدس سره برکون حضرت (خضر) نلیه .

السلام اليه ملاقات ايدوب (شوزمانده حاده شريعت وطريق استقامت اوزره حركت ايدن صوفى زاهد كيمدر كه انى مرشد اتخذ ايدوب بكا خبر ويره بيليرميكز) ديه سؤل ايتد كده جناب (خضر) شيخ محمود انجیر فتنوى حضرتلرني ايشارت بيورم شددر . اول صاحب الكرامات حضرتلرنيك كرامات و خوارق حندن بيرون اولوب قابل تعداد اولديغنى (خزينة الاصفيا) مؤلفى ذكر ايدبيور .

كندى احوال و مشاهد سنى ديكرينه اسناد اليه حكايه و تسميت ايتك بو طريقده جناب خواجه دن قالمش عادت حسنه در .

ارتحاللارى هجرت جليله نبويه عليه اكل النجيه ك (۶۷۰) سنه سنه در . قبر شريفلى (وامكنكى) نه زيارتكاه عشقادر .

حضرت خواجه . بياض رنگلى اورطه بويلى سياه صقاللى كوزل يوزلى مبارك و مطهر اغزى بيوكجه ايدى . قدس الله سره و نعمنا بيركاته و فيوضاته امين .

خواجه على راميتنى قدس سره العالى

مشاراليه حضرتلرى تورك مشايخك عرفانندن و خواجه انجیر فتنوى حضرتلرينك كبار اصحاب و افضل خاقانندن اولوب مشايخ نقشبديهك اعظميندر . سلسله طريقت عليه انجور سنده (خواجه عزيزان على) لقبيله مشتهر اولدقلى كى (خواجه نساج) دخى دينور . (نفحات الانس) ده مولاناده جامى قدس سره بيورور كه : خواجه على راميتنى حضرتلرى چاخه جياق اليه اشتغال بيورمقله (نساج) لقبيله دخى اشتهار ايتمشدر مولانا جلال الدين رومى قدس سره العزيز افندمرك شو كرنه علم حال فوق قال بودى كى بودى بنده اعيان بخارى خواجه نساج را بيتى حضرت نساجه اشارتدر .

ترجمه اگر حال اولسه راجع دلا قال اوزره عقبايه قولى اولمزدى نساجك كمال اهلى بخاراده

اول منبع كالات حضرتلرى مقامات رفيعه و كرامات عجيبه صاحبي ايديلر . بخارايه ايكى فرسخ مسافده كائن (رامتين) قصبه سنده تولد و نشئت و علوم شرعيه تحصيله همت ايدوب حائز كمال اولدقده شيخ محمود انجیر فتنوى حضرتلرينك خدمتنه واصل و مشاراليهك محبتنده مقامات عاليه و فتوحات متواليه حاصل اولدق امر شيخ اليه نشر معارفه ابتدار ايتشار و طالب حقيقت اولان اخوان صفا كنديارندن اقتباس معرفته تهالك كوستر مشارددر . زمان ارشاد لرنده بك چوق خوارق و كراماتى مشاهده ايدلديكى مرويدر .

اول صاحب الكرامات حضرتلرينك عزيزان ، لقبيله اشتهار لرينه صاحب رشحاتك روايت ايتديكى شوكرامتلى باعث اولمشدر . برارالق مشاراليه خواجه حضرتلرينه لازم الرايه برمسافر كلش حالبوكه سعادتمانه لرنده ييه چك برشى بولنديغندن حضرت خواجه مكدر اولدق طميره جيقمشار اوصره ده جناب شيخك مخلصانندن بولنان پاچه فروش بركنج برگاهه باللى پاچه هدبه كتورور و قبول بيورلمسى

ايچون نياز ورجا ايدر . بو حالدن خواجه حضرتلرى غايت ممنون و محظوظ اولوب (اى اوغلم باب اجابت آچقدر نه ايتير ايسهك استه) ديو مساعده ايدر شخص مذكور (باشقه برشى مطلوبم بوقدر انجى ظاهر و باطنده سزك مشكلكزله متشكل اولهيم) ديو فتنى و استرحام ايدر بيوروشن ضمير بيورور كه . بوايش غايت آغير بر بوكرر تحمل طافتياب اوله منسك . بونك اوزرينه مرد منبور (بنم مطلوبم بودر فقط آراده سز افندمكدر .) ديدكده جناب خواجه (چوق ائى) بيوروب الندن طوته رقى برابرجه خلوتخانه سعادتلرينه كبرر و روبرو اوتورم رقى مرد منبورده متوجه اولور . بر ساعت صكره بحسب الظاهر و الباطين بعينه شيخ صورتنده تشكىل ايدر . فقط مست و بهوش قالير . نهايت قرقى كون دها بر حيات اولدق آخر الامر رحمت حقه واصل اولور (رحمة الله عليه)

صاحب رشحات بيورور كه خواجه كرامتات حضرتلرى ظهور ايدن ايشارت معنويه اوزرينه بخارادن خوارزمه توجه ايدوب خوارزم قلعه سنك قيسى او كنده توقف و خوارزم شاه دن شهره دخول ايچون استيذان ايلدكده دخوله مأذون اولدينى حاليه كيرموب دخوله دائر يدبته شاهك مهربله مخنوم برادشنامه اعطاسنى طاب ايتش و مطلوبنى اسم ف اولدق شهره داخل اولدقدين صكره اتباع و مریدانى كون بكون تكثير و خوار زمشاه بوندن توهم ايدوب اخراجنه قيام ايلدكده شهره دخول واقامت ايلديكى مشعر الدينى فرمانى ابراز ايتش و خوار زمشاه نيت مرئوسدن خجیل اولوب اجلاسندن صرف نظر ايتمشدر . خواجه حضرتلرينك ايكى مخدومى اولوب كوچك مخدومى شيخ ابراهيم حضرتلرينى مقامنه اجلاس و اعطای خلافت ايلدكده بيوك مخدومى محمد خورده اعطای خلافت ايتديكى اصحابى بيننده موجب قيل وقال اولمش ايدى . بونلرى استماع بيوردقده (شيخ محمد خورديندن صكره چوق قالماز بيورمش و فى الحقيقه ارتحال لرندن اوچ ماه صكره شيخ محمد خورده ارتحال ايدوب شيخ ابراهيم قدس سره (۵۲ ويا ۵۶) سنه دها معمر اولمشدر .

اول صاحب الكرامات حضرتلرى هجرت جليله نبويه عليه اكل النجيه ك (۷۱۵) سنه سنده (۱۳۰) ياشنده اولدقلى حاليه ارتحال دارنيم بيورمشلرددر . تربة شريفه لرى خوار زمده زيارتكاه خواص و عدامدر . جناب خواجهك مبارك اعضاضى تام و متناسب و غايت دلجو ايدى . قدس الله سره و نعمنا بيركاته و فيوضاته امين .

يديوز اون يشنده تاريخك ماه ذى القعدة اخرنده دلا اول جنيد زمان شبلى وقت ايلدى عزم بازگه بقا شيخ حسن باغ اربنك اكابر اصحابندن شيخ بدرالدين همدانى خواجه مشاراليهك حضورينه كلوب (واذا كراهه ذكر اكثيرا) نظم جليليله مأمور اولديغمز ذكر (ذكر جهريميدر ذكر خفيميدر)

مابعدى وار خواجهزاده احمد حلمى